



KROSSØY VILLSAULAG  
c/o Mikal Martin Krossøy Krossøyvegen 488  
5943 AUSTRHEIM  
Att.Mikal Martin Krossøy

Saksbehandlar, innvalstelefon  
Solveig Kalvø Roald, 5557 2327

## Tilsegn med forskotsutbetaling av tilskot til tiltak for truga naturtypar - Nofence-klavar - KROSSØY VILLSAULAG, Austrheim kommune - 2023

---

**Krossøy Villsaulag får tilsegn om 15.000 kroner til innkjøp av Nofence-klavar. Tilskotet vert betalt ut som forskot. Det er knytt vilkår til tilskotet.**

---

### Innleiing

Vi viser til søknad om 15.000 kroner til innkjøp av Nofence-klavar. De ønskjer å få beitedyr på eit kystlynghei-område sør på Krossøy.

### Regelverk

Ordninga med tilskot til truga naturtypar er heimla i forskrift om tilskot til trua naturtypar. Føremålet med ordninga er å bidra til å ta vare på trua naturtypar slik dette er definert i Norsk raudliste for naturtypar, jf. forskrifta § 1. Grunneigarar, privatpersonar, frivillige organisasjonar, kommunar, verksemder og institusjonar kan mellom anna få tilskot til:

- skjøtsel og vedlikehald
- tilpassa bruk på areal som inngår i drifta av landbruksforetak
- gjerding
- kartlegging og overvaking i tilknytning til tiltak.

Søknader om tilskot til tiltak for dei utvalde naturtypane og dei trua naturtypane som er høgast prioriterte (gruppe 1) i oppfølgingsplanen for trua natur, skal ifølgje retningsliner frå Miljødirektoratet prioriterast. Det same gjeld tiltak der kunnskapsgrunnlaget er godt.

Når forvaltninga tildeler tilskot gjeld prinsippa i naturmangfaldlova §§ 8-12 som retningsliner ved avgjerda. Vurderinga av miljørettsprinsippa skal kome fram i grunngjevinga.

### Vår vurdering

Statsforvaltaren har motteke søknadar om tilskot til tiltak for trua naturtypar med samla søknadssum langt større enn midlane vi har til rådvelde. Vi har difor vore nøydde til å prioritere.



Det er utarbeidd skjøtselsplan for eit område på Krossøy (kystlyngheia Krossøyna som ligg i Naturbase med A-verdi) som blir drive av beitelaget, men de ønskjer no å ta i bruk eit område sør for Krossøyvegen, Nordre Harhaugen, som ligg rett sør for dette området. De fekk tilskot til å brenne i dette området i 2021.

For at det skal kunne gå beitedyr her treng de gjerde, og de ønskjer å nytte Nofence-klavar. Dette er ei praktisk løysing og vi gjev tilskot til dette slik de har søkt om.

For at de skal kunne søkje om RMP-midlar til drift av dette området kan det vere aktuelt å få området kartlagt i Naturbase og vi vil prøve å få dette gjennomført i 2024.

Vår vurdering er at tiltaket bidreg til å ta vare på ein truga naturtype og berre vil ha positive verknader for naturmangfaldet. Dei miljørettslege prinsippa i naturmangfaldlova § 8 -12 treng difor ikkje nærare kommentar.

### **Avgjerd**

De får tildelt 15.000 kr til å kjøpe Nofence-klavar slik at de skal kunne komme i gang med beite i eit område der de alt har fått tilskotsmidlar for å kunne brenne. Sidan det skal kjøpast inn utstyr ser vi det som praktisk for begge partar at tilskotet vert betalt ut med éin gong. Som det går fram av vilkåra under kan tilskotet krevjast heilt eller delvis attende dersom tiltaket ikkje blir gjennomført etter føresetnadene i søknaden.

Tilskotet på kr 15.000 kr vert utbetalt til kontonummer 3632.59.77358 med det første.

### **Vilkår**

- Sluttrapport skal leggjast inn i elektronisk søknadssenter innan 1. oktober inneverande år.
- Dei som er rekneskapspliktige etter rekneskapslova, skal ta vare på bilag i minst fem år etter avslutting av rekneskapsåret.
- Riksrevisjonen og Statsforvaltaren har rett til å føre tilsyn med at tilskotet vert nytta i samsvar med føresetnadane
- Tilskotet kan krevjast heilt eller delvis attende dersom tiltaket ikkje er gjennomført etter føresetnadene i søknaden.

### **Klage**

Vedtaket om tilskot kan klagast til Miljødirektoratet, jf. § 28 i forvaltningslova. Klagefristen er tre veker etter at dette brevet er motteke. Ein eventuell klage skal sendast via Statsforvaltaren i Vestland. Du har rett til å gjere deg kjend med dokumenta i saka, jf. forvaltningslova § 18 og 19.

Med helsing

Johannes Anonby  
seniorrådgjevar

Solveig Kalvø Roald  
seniorrådgjevar

*Dokumentet er elektronisk godkjent*



Kopi til:

Austrheim kommune

Kommunehuset

5943

AUSTRHEIM